

EXP. 942/2025

**M^a DA CONCEPCIÓN MARTÍNEZ TABOADA, SECRETARIA-INTERVENTORA
DO CONCELLO DE TOÉN (OURENSE)**

CERTIFICO:

Que a Xunta de Goberno local do Concello de Toén (Ourense), na sesión que tivo lugar o día 13/11/2025 adoptou, entre outros, o acordo que de seguido se transcribe na súa literalidade, a reserva do que resulte da aprobación da acta correspondente:

“

**6.2. Bases e convocatoria do I Concurso de debuxo infantil de Nadal 2025 do Concello de Toén
(Exp. 942/2025)**

Dáse conta das bases elaboradas para rexer a convocatoria do I Concurso de debuxo infantil de Nadal 2025 do Concello de Toén.

Tras o exame das bases, a Xunta de Goberno Local, co voto favorable de todos/as os/as concelleiros/as que a integran e en uso das atribucións delegadas pola Alcaldía mediante decreto de data 26/06/2023 (BOP nº 154, do 06/07/2023), ACORDA:

PRIMEIRO.- Aprobar as bases reguladoras da convocatoria do I Concurso de debuxo infantil de Nadal 2025 do Concello de Toén, que se unen como anexo ao presente acordo, e dispor a súa publicación na sede electrónica municipal (<http://concellodetoen.sedelectronica.es>) e na Base de Datos Nacional de Subvencións (<http://www.infosubvenciones.es>).

SEGUNDO.- Aprobar a convocatoria do I Concurso de debuxo infantil de Nadal 2025 do Concello de Toén e remitirle á Base de Datos Nacional de Subvencións (BDNS) un extracto da convocatoria para a súa publicación no BOP de Ourense.

TERCEIRO.- Aprobar o gasto correspondente á convocatoria polo importe máximo de 100,00 €, con cargo á aplicación 330.48 do estado de gastos do vixente orzamento municipal do exercicio 2025.

ANEXO

**EXP. 942/2025 BASES REGULADORAS DA CONVOCATORIA DO I CONCURSO DE DEBUXO
INFANTIL DE NADAL 2025 DO CONCELLO DE TOÉN**

1.- OBXECTO

O obxecto das presentes bases é regular o réxime de concesión dun premio para o I Concurso de debuxo infantil de Nadal 2025 do Concello de Toén.

2.- PERSOAS PARTICIPANTES

Poderán participar todos/as os/as nenos/as matriculados/as no CEIP Saco e Arce do Concello de Toén durante o presente curso escolar 2025-2026. Ao ser menores de idade, será necesario achegar unha autorización asinada polo/a seu/súa representante legal (pai/nai ou titor/a).

3.- TEMÁTICA, FORMATO E CRITERIOS DE VALORACIÓN

Os debuxos presentados deben de ter por temática o Nadal en calquera das súas expresións: tradicións, familia, amizade, solidariedade, paisaxes, ilusión, etc.

A técnica será libre (lapis de cores, rotuladores, ceras, acuarelas, collage, etc) e o formato deberá ser papel ou cartolina de tamaño A4.

Os criterios a valorar son os seguintes: creatividade e orixinalidade, adecuación á temática proposta, coidado e esforzo persoal, e transmisión dos valores do Nadal.

4.- PRAZO E FORMA DE ENTREGA



O prazo para a presentación dos debuxos comeza a partir do día seguinte ao da publicación do extracto da convocatoria no Boletín oficial da provincia de Ourense e remata o día 12/12/2025 ás 14:30 horas.

As solicitudes serán presentadas polo CEIP Saco e Arce no Rexistro Xeral do Concello de Toén (Rúa Ribadela 1, 32930, Toén) en horario de 8:30 a 14:30 horas, de luns a venres.

A documentación que ten que presentarse é a seguinte:

1. O Anexo I destas bases, nun sobre pechado, cuberto e asinado polo CEIP Saco e Arce.
2. Os debuxos que se presentan ao concurso, nun sobre pechado. Cada un dos debuxos estará identificado no reverso co número asignado polo CEIP Saco e Arce no Anexo I e deberá de ir acompañado dunha autorización asinada pola persoa representante legal do/a autor/a.

Establécese un límite máximo de 1 debuxo por persoa participante.

4.- SELECCIÓN DAS OBRAS

Un xurado nomeado pola Alcaldía seleccionará o debuxo premiado.

O debuxo que obteña o premio será a imaxe oficial da felicitación de Nadal da Alcaldía do Concello de Toén.

O/a autor/a do debuxo premiado, a través do/a seu/súa representante legal, será notificado/a con anterioridade á súa publicación.

O xurado poderá declarar deserto o premio.

A selección do xurado será elevada á Alcaldía, quen formulará a proposta de resolución que someterá á Xunta de Goberno Local, como órgano competente para resolver, que outorgará o premio á persoa gañadora do concurso con identificación do nome, apelidos e curso do autor/a, do nome, apelidos e DNI do/a seu/súa representante legal, e do importe do premio.

O acordo de outorgamento do premio será obxecto de publicación na sede electrónica municipal (<http://concellodetoen.sedelectronica.es>) e na Base de Datos Nacional de Subvencións (<http://www.infosubvenciones.es>), con expresión da persoa beneficiaria, a través do/a seu/súa representante legal, e da contía do premio concedido.

5.- PREMIO

O importe do premio é de 100,00 €.

O premio estará suxeito ás retencións que se determine pola lexislación tributaria vixente e farase efectivo mediante transferencia bancaria á persoa premiada a través do/a seu/súa representante legal, previa presentación dunha declaración responsable, debidamente cuberta e asinada polo/a seu/súa representante legal, na que se faga constar que non está incurso/a en prohibición para ser beneficiario/a de subvencións e que está ao corrente no pagamento das obrigas tributarias e de Seguridade Social, e do certificado bancario do número de conta da persoa representante legal asinante da dita declaración.

6.- OBXETIVO E PUBLICACIÓN DOS DEBUXOS

O obxectivo é elixir o debuxo que será utilizado como imaxe oficial da felicitación de Nadal da Alcaldía do Concello de Toén, na que se fará mención ao nome e apelidos e ao curso do/a autor/a.

Ademais, todos os debuxos que se presenten ao concurso poderán ser empregados para exposicións educativas ou culturais que organice o Concello de Toén.

7.- DEREITOS SOBRE OS DEBUXOS

A participación no concurso conleva a cesión a favor da organización, por parte das persoas concursantes a través do/a seu/súa representante legal, dos dereitos de reprodución e exposición sobre os debuxos, sempre e cando se empreguen con fins educativos ou de difusión polo Concello de Toén e sempre sen ánimo de lucro.

A participación neste concurso implica a total aceptación destas bases. As persoas participantes, a través do/a seu/súa representante legal, serán plenamente responsables de que non existan dereitos de terceiros das obras presentadas, así como de toda reclamación sobre posibles dereitos de imaxe.

ANEXO I. SOLICITUDES DE PARTICIPACIÓN NO I CONCURSO DE DEBUXO INFANTIL DE NADAL 2025 DO CONCELLO DE TOÉN

Nº	Nome e apelidos do/a autor/a	Curso	Nome, apelidos e DNI do/a representante legal
1			
2			



3			
4			
5			
6			
7			
8			
9			
10			

Toén, _____ de _____ de 2025

O/a director/a do CEIP Saco e Arce de Toén

Asdo.: _____

Información básica sobre protección de datos

Normativa: Regulamento (UE) 2016/679 do Parlamento Europeo (RGPD) / Lei Orgánica 3/2018, de protección de datos persoais e garantía dos dereitos dixitais.

Responsable: CONCELLO DE TOÉN

Finalidade: Xestión e tratamento de datos persoais das persoas solicitantes de participación no I Concurso de debuxo infantil de Nadal 2025 do Concello de Toén.

Lexitimación: O cumprimento dunha misión realizada en interese público ou no exercicio de poderes públicos conferidos á persoa responsable do tratamento *RGPD art.6.1 e)* e o consentimento da persoa interesada *RGPD art.6.1 a)*.

Persoas destinatarias: Non se producirán comunicacións de datos a terceiros/as, salvo por obrigaación legal. En determinados casos poderán ser publicados os datos persoais nos termos previstos na lexislación vixente, a través do Sistema Nacional de Publicidade de Subvencións, a fin de dar a publicidade legalmente esixida.

Dereitos: Poderá exercitar os dereitos de acceso, rectificación, supresión e portabilidade dos seus datos, e a limitación ou oposición ao seu tratamento, a retirar o consentimento prestado e a reclamar ante a Autoridade de Control, tal como se indica na información adicional.

Información adicional: Toda a información facilitada poderá obtela ampliada en www.toen.gal.

E para que conste e produza os efectos oportunos, expido a presente certificación por orde e co visto e praxe do alcalde, Ricardo González Gómez, en Toén na data da sinatura electrónica.

(Documento asinado electronicamente)

